



---

Broj: 03-50-1-61-5-19/10

Sarajevo 10. 02. 2010. godine

## ZAPISNIK

### sa 5. sjednice Nezavisnog odbora kao nezavisnog tijela policijske strukture u BiH

Sjednica je održana 10. 02. 2010. godine sa početkom u 10 sati.

Sjednici su prisustvovali članovi Nezavisnog odbora: Žiko Krunić, Mato Jozić, Bakir Dautbašić, Viktor Dadić, Ljubomir Kuravica, Enes Obralića, Dragan Savić i Zijad Kadić.

Član Odbora Stanko Nuić, bio je opravdano odsutan.

Pored članova Odbora sjednici su prisustvovali: Catharina de Lange iz OHR, Zoran Brkić iz Sektora za odnose sa javnošću PSBiH.

Sjednici je prisustvovala Alma Salkić-Mijić, koja je obavljala poslove sekretara Nezavisnog odbora i Željko Grubešić savjetnik u Nezavisnom odboru.

Sjednicu je otvorio predsjednik Žiko Krunić, koji je i sazvaio sjednicu. Predložio je dopunu dnevnog reda pod tačkom Tekuća pitanja: Plan rada Nezavisnog odbora za 2010. i Izvještaj o radu Nezavisnog odbora za 2009. godinu.

Ovakav dopunjeni dnevni red je usvojen jednoglasno:

### DNEVNI RED :

1. Usvajanje Zapisnika sa 4. sjednice Nezavisnog odbora,
2. Razmatranje pristiglih prijava na Javni konkurs za izbor direktora i zamjenika direktora policijskih tijela BiH,
3. Tekuća pitanja
  - Razmatranje delegatskog pitanja Hazima Rančića.
  - Plan rada Nezavisnog odbora za 2010. i Izvještaj o radu Nezavisnog odbora za 2009. godinu.

#### **Ad.1. Usvajanje Zapisnika sa 4. sjednice Nezavisnog odbora**

Predsjednik Odbora je otvorio raspravu o ovoj tački dnevnog reda. U raspravi su učestvovali predsjednik Žiko Krunić i članovi Odbora Ljubomir Kuravica i Zijad Kadić.

Rasprava je vođena u vezi sa tačkom 3. dnevnog reda sa 4. sjednice Nezavisnog odbora.

Nakon rasprave jednoglasno je usvojen zaključak:

Nezavisni odbor smatra da je potrebno inicirati izmjenu člana 59. Zakona o policijskim službenicima, i u tom smislu na jednoj od narednih sjednica Odbora, na osnovu iskustva nakon što se završi procedura po Javnom konkursu koji je u toku, definisati obrazloženje sa pravnom argumentacijom i takvu inicijativu uputiti Parlamentarnoj skupštini BiH na razmatranje.

Nakon završene rasprave o ovoj tački dnevnog reda, predsjednik je stavio na glasanje Zapisnik sa 4. sjednice Nezavisnog odbora.

Zapisnik je jednoglasno usvojen.

#### **Ad.2. Razmatranje pristiglih prijava na Javni konkurs za izbor direktora i zamjenika direktora policijskih tijela BiH**

U uvodu o ovoj tački dnevnog reda, predsjednik je informirao članove Odbora da je krajnji rok za dostavljanje prijava na Javni konkurs za izbor direktora i zamjenika direktora policijskih tijela BiH bio 02. 02. 2010. s obzirom da je objavljen u „Službenom glasniku BiH“ dana 18. 01. 2010. te da je na Javni konkurs blagovremeno pristiglo ukupno 20 koverata.

Nakon uvida u sve pristigle prijave članovi Odbora su konstatovali da su se na Javni konkurs prijavili sljedeći kandidati: **Dragan Lukač** na sve pozicije za koje je raspisan Javni konkurs; **Zlatko Miletić** na pozicije zamjenika direktora Državne agencije za istrage i zaštitu, direktora i zamjenika direktora Direkcije za koordinaciju policijskih tijela Bosne i Hercegovine; **Uroš Pena** na poziciju zamjenika direktora Direkcije za koordinaciju policijskih tijela Bosne i Hercegovine; **Himzo Selimović** na poziciju direktora i zamjenika direktora Direkcije za koordinaciju policijskih tijela Bosne i Hercegovine; **Nijaz Spahić** na pozicije direktora i zamjenika direktora Granične policije BiH, direktora i zamjenika

direktora Direkcije za koordinaciju policijskih tijela Bosne i Hercegovine; **Novo Blagojević** na pozicije zamjenika direktora Granične policije BiH i zamjenika direktora Direkcije za koordinaciju policijskih tijela Bosne i Hercegovine; **Marko Dominković** na sve pozicije za koje je raspisan Javni konkurs; **Vinko Dumančić** na poziciju direktora Granične policije BiH, **Enes Gačanin** na pozicije direktora i zamjenika direktora Granične policije BiH, **Ivanović Boris** na poziciju zamjenika direktora Direkcije za koordinaciju policijskih tijela Bosne i Hercegovine; **Mile Jurić** na pozicije direktora i zamjenika direktora Granične policije BiH i na pozicije direktora i zamjenika direktora Direkcije za koordinaciju policijskih tijela Bosne i Hercegovine; **Lisak Sead** na sve pozicije za koje je raspisan Javni konkurs; **Mirza Lišinović** na pozicije zamjenika direktora Državne agencije za istrage i zaštitu, direktora i zamjenika direktora Direkcije za koordinaciju policijskih tijela Bosne i Hercegovine; **Halid Ganija** na pozicije direktora i zamjenika direktora Direkcije za koordinaciju policijskih tijela Bosne i Hercegovine.

Članovi Nezavisnog odbora su nakon uvida u sve pristigle prijave konstatovali da prijavljeni kandidat Halid Ganija nije ispunio formalne uslove predviđene Javnim konkursom i da stoga neće biti pozvan na intervju.

Nezavisni odbor je konstatovalo da ostali kandidati, njih ukupno trinaest ispunjavaju formalne uslove tražene konkursom i da će biti pozvani na intervju.

Na kraju su članovi Nezavisnog odbora usvojili zaključak da je u pozivu za intervju potrebno navesti da se u skladu sa članom 6. i 7. Odluke o uslovima i kriterijima za odabir, potupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine broj 03-34-6-36/10 od 5. 1. 2010. kandidatima koji su se prijavili na Javni konkurs i koji ispunjavaju uslove mogu na intervjuu postaviti pitanja iz oblasti Ustavno-pravnog poretka BiH, predkrivičnog postupka, materijalno-pravne legislative iz oblasti sigurnosti i policijskih poslova, kao i međunarodno-pravnih odnosa u ovim oblastima.

### **Ad. 3. Tekuća pitanja**

#### **▪ Razmatranje delegatskog pitanja Hazima Rančića .**

U okviru ove tačke dnevnog reda članovi Nezavisnog odbora su jednoglasno utvrdili odgovor na delegatsko pitanje delegata Hazima Rančića.

- **Plan rada Nezavisnog odbora za 2010. i Izvještaj o radu Nezavisnog odbora za 2009. godinu**

U okviru ove tačke članovi Nezavisnog odbora vodili su raspravu i o potrebi izrade Izvještaja o radu Nezavisnog odbora za 2009. i Plana rada Nezavisnog odbora za 2010. i dostavljanju Parlamentarnoj skupštini BiH u skladu sa zakonom.

Članovi Odbora su se složili da se ovo pitanje stavi na dnevni red jedne od narednih sjednica.

- **Naknade za rad članovima Nezavisnog odbora**

Članovi Nezavisnog odbora su jednoglasno usvojili **zaključak**:

„Zadužuje se Odjel za računovodstvo i finansije Parlamentarne skupštine Bosne i Hercegovine da predsjedniku i članovima Nezavisnog odbora dostavi podatke i relevantnu dokumentaciju po osnovu koje se određuje visina i vrši isplata naknade i drugih materijalnih prava i primanja predsjedniku i članovima za svaki mjesec pojedinačno, počev od prvog mjeseca u kome je izvršena isplata do danas, kako bi članovi Nezavisnog odbora imali pregled obračuna za svaki mjesec odvojeno.“

- **Potreba izrade službene iskaznice**

Nakon rasprave o ovoj tački dnevnog reda članovi Nezavisnog odbora su usvojili odluku da se zadužuje Zajednička služba Sekretarijata Parlamentarne skupštine BiH da članovima Nezavisnog odbora izradi službenu legitimaciju u skladu sa članom 25. Poslovnika o radu Nezavisnog odbora kao nezavisnog tijela policijske strukture u BiH („Službeni glasnik BiH“ broj 93/09) sa sljedećim izgledom i sadržajem: logo Parlamentarne skupštine BiH, tekst Parlamentarna skupština Bosne i Hercegovine, Nezavisni odbor kao nezavisno tijelo policijske strukture BiH, ime i prezime predsjednika ili člana Nezavisnog odbora i fotografija.

Kako nije bilo drugih pitanja, predsjednik je u 13 sati i 10 minuta zaključio sjednicu.

Sekretar  
Nezavisnog odbora  
Alma Salkić- Mijić

Predsjednik  
Nezavisnog odbora  
Žiko Krunić